

珍惜时间的古诗

1.
何事居穷道不穷，乱时还与静时同。家山虽在干戈地，弟侄常修礼乐风。
窗竹影摇书案上，野泉声入砚池中。少年辛苦终身事，莫向光阴惰寸功。
——《题弟侄书堂》

2.
人初生，日初出。上山迟，下山疾。百年三万六千朝，夜里分将强半日。
有歌有舞须早为，昨日健于今日时。人家见生男女好，不知男女催人老。
短歌行，无乐声。——《短歌行》

3.
一曲新词酒一杯，去年天气旧亭台。夕阳西下几时回？无可奈何花落去，
似曾相识燕归来。小园香径独徘徊。——《浣溪沙·一曲新词酒一杯》

4.
小阁重帘有燕过。晚花红片落庭莎。曲阑干影入凉波。一霎好风生翠幕，
几回疏雨滴圆荷。酒醒人散得愁多。——《浣溪沙·小阁重帘有燕过》

5.
劝君莫惜金缕衣，劝君惜取少年时。花开堪折直须折，莫待无花空折枝。
——《金缕衣》

6.
春宵一刻值千金，花有清香月有阴。歌管楼台声细细，秋千院落夜沉沉。
——《春宵》

7.
生年不满百，常怀千岁忧。昼短苦夜长，何不秉烛游！为乐当及时，何能待来兹？愚者爱惜费，但为后世嗤。仙人王子乔，难可与等期。——《生年不满百》

8.
奉君金卮之美酒，玳瑁玉匣之雕琴。七彩芙蓉之羽帐，九华蒲萄之锦衾。红颜零落岁将暮，寒光宛转时欲沉。愿君裁悲且减思，听我抵节行路吟。不见柏梁铜雀上，宁闻古时清吹音？——《拟行路难·其一》

9.
读书不觉已春深，一寸光阴一寸金。不是道人来引笑，周情孔思正追寻。——《白鹿洞二首·其一》

10.
绿草蔓如丝，杂树红英发。无论君不归，君归芳已歇。——《王孙游》

11.
三更灯火五更鸡，正是男儿读书时。黑发不知勤学早，白首方悔读书迟。——《劝学》

12.
人生无根蒂，飘如陌上尘。分散逐风转，此已非常身。落地为兄弟，何必骨肉亲！得欢当作乐，斗酒聚比邻。盛年不重来，一日难再晨。及时当勉励，岁月不待人。——《杂诗十二首·其一》

13.
少年易老学难成，一寸光阴不可轻。未觉池塘春草梦，阶前梧叶已秋声。——《偶成》

14.
今日复今日，今日何其少！今日又不为，此事何时了？人生百年几今日，今日不为真可惜！若言姑待明朝至，明朝又有明朝事。为君聊赋今日诗，努力请从今日始。——《今日歌》

15.

宝髻偏宜宫样，莲脸嫩，体红香。眉黛不须张敞画，天教入鬓长。莫倚倾国貌，嫁取个，有情郎。彼此当年少，莫负好时光。——《好时光·宝髻偏宜宫样》

16.

向晚意不适，驱车登古原。夕阳无限好，只是近黄昏。——《乐游原/登乐游原》

17.

青青园中葵，朝露待日晞。阳春布德泽，万物生光辉。常恐秋节至，焜黄华叶衰。百川东到海，何时复西归？少壮不努力，老大徒伤悲！——《长歌行》

18.

买得杏花，十载归来方始坼。假山西畔药阑东，满枝红。旋开旋落旋成空，白发多情人更惜。黄昏把酒祝东风，且从容。——《酒泉子·买得杏花》

本文链接：<https://duanjuziku.com/duanjuzi/jh7o3q3f5c.html>